

Fimmtudaginn 12. desember 1991.

Nr. 488/1991. **Óttar Yngvason**
og Páll G. Jónsson

gegn

dánarbúi Þórönnu Guðmundsdóttur o.fl.

Kærumál. Ómerking.

Dómur Hæstaréttar.

Mál þetta dæma hæstaréttardómararnir Hrafn Bragason, Gunnar M. Guðmundsson og Hjörtur Torfason.

Sóknaraðili skaut máli þessu til Hæstaréttar með kæru 25. nóvember sl. með vísan til heimildar í d-lið 1. tl. 1. mgr. 21. gr. laga nr. 75/1973 um Hæstarétt Íslands. Kærður er úrskurður aukadómþings Snæfellsnes- og Hnappadalssýslu frá 15. s.m. Hefur Pétur Kristinsson, fulltrúi sýslumanns, kveðið upp hinn kærða úrskurð.

Sóknaraðili krefst þess aðallega, að hinn kærði úrskurður verði felldur úr gildi og lagt verði fyrir aukadómþing Snæfellsnes- og Hnappadalssýslu að taka málið til löglegrar málsmeðferðar og dómsálagningar. Til vara krefst hann þess, að hinum kærða úrskurði verði hnekkt. Þá krefst hann kærumálskostnaðar.

Varnaraðilar krefjast þess, að hinn kærði úrskurður verði staðfestur og þeim dæmdur kærumálskostnaður.

Eins og fram kemur í hinum kærða úrskurði, höfðaði sóknaraðili mál þetta til ógildingar á undirmatsgerð samkvæmt XV. kafla laga nr. 76/1970 um lax- og silungsveiði. Var málið dómtekið á aukadómþingi Snæfellsnes- og Hnappadalssýslu 28. október sl. og kveðinn upp úrskurður í því.

Mál þetta var höfðað sem almennt einkamál í héraði. Bar því héraðsdómara að ljúka því með dómi. Uppkvaðning úrskurðar í málinu í stað dóms leiðir óhjákvæmilega til þess, að ómerkja verður úrskurðinn ex officio og vísa málinu heim í hérað til munnlegs flutnings, dómtöku og dómsálagningar.

Hver aðili beri sinn kærumálskostnað.

D ó m s o r ð:

Hinn kærði úrskurður er felldur úr gildi og málinu vísað heim í hérað til munnlegs flutnings, dómtöku og dómsálagningar.

**Úrskurður aukadómpings Snæfellsnes- og Hnappadalssýslu
15. nóvember 1991.**

Upphaflegir stefnendur voru Thor R. Thors, Hamarsgötu 8, Seltjarnarnesi, Richard Thors, Chicago, Bandaríkjunum, Þórður Thors, Langholtsvegi 118, Reykjavík, Unnur Thors Briem, Bergstaðastræti 84, Reykjavík, og Jóna Íris Thors, Gautaborg, Svíþjóð. Við fyrirtöku málsins 27. september 1988 tóku þeir Páll G. Jónsson, Vesturbrún 26, Reykjavík, og Óttar Yngvason, Birkigrund 23, Kópavogi, við aðild málsins sóknar megin.

Stefndu eru Ásgeir Pétursson, skiptaráðandi í Kópavogi, f.h. dánarbús Þórönnu Guðmundsdóttur og Haukur Sveinbjörnsson bóndi, Snorrastöðum, Kolbeinsstaðahreppi, vegna jarðarinnar Litla-Hrauns, Gísli Sigurgeirsson og Sigurgeir Gíslason bændur, Hausthúsum, Eyjahreppi, vegna jarðarinnar Hausthúsa, Sigurður Helgason bóndi, Hraunholtum, Kolbeinsstaðahreppi, vegna jarðarinnar Hraunholta, Einar Hallsson, Ragnar Hallsson og Sveinbjörn Hallsson bændur, Hallkelsstaðahlíð, Kolbeinsstaðahreppi, vegna jarðarinnar Hallkelsstaðahlíðar og Einar einnig vegna jarðarinnar Hafursstaða í Kolbeinsstaðahreppi, Guðmundur Halldórsson bóndi, Syðri-Rauðamel, Kolbeinsstaðahreppi, vegna Oddastaða, Kolbeinsstaðahreppi, Guðmundur Albertsson, Heggstöðum, Kolbeinsstaðahreppi, vegna jarðarinnar Heggstaða og Magnús Guðjónsson, Hrutsholti, Eyjahreppi, formanni Veidifélags Núpár í Eyjahreppi, vegna félagsins. Við fyrirtöku málsins 28. október 1991 kom fram, að við aðild málsins f.h. Þórönnu Guðmundsdóttur hefur tekið dánar- og félagsbú Þórönnu Guðmundsdóttur og Sigurðar Benjamíns Jónssonar.

Dómkröfur stefnenda eru, „að viðurkennt verði með dómi, að „matsgerð um takmörk fiskihverfis Haffjarðarár”, gerð af Jakobi Magnússyni fiskifræðingi og Lofti Al. Þorsteinssyni vatnafræðingi 19. september 1983, hafi ekki gildi sem undirmatsgerð skv. XV. kafla laga nr. 76/1970”. Stefnendur krefjast einnig málskostnaðar in solidum úr hendi stefndu.

Stefndu krefjast þess, að kröfum stefnenda verði hafnað. Einnig gera stefndu kröfu um málskostnað in solidum úr hendi stefnenda skv. gjaldskrá lögmannna.

Ú r s k u r ð a r o r ð:

Hafnað er kröfum stefnenda um, að viðurkennt verði með dómi, að „matsgerð um takmörk fiskihverfis Haffjarðarár”, gerð af Jakobi Magnússyni fiskifræðingi og Lofti Al. Þorsteinssyni vatnafræðingi 19. september 1983, hafi ekki gildi sem undirmatsgerð skv. XV. kafla laga nr. 76/1970.

Stefnendur, Páll G. Jónsson, Vesturbrún 26, Reykjavík, og Óttar Yngvason, Birkigrund 23, Kópavogi, greiði stefndu, Ásgeiri Pétursyni, skiptaráðanda í Kópavogi, f.h. dánar- og félagsbús Þórönnu Guðmundsdóttur og Sigurðar Benjamíns Jónssonar, Hauki Sveinbjörnssyni bónda, Snorrastöðum, Kolbeinsstaðahreppi, vegna jarðarinnar Litla-Hrauns, Gísla Sigurgeirssyni og Sigurgeiri Gíslasyni bændum, Hausthúsum, Eyjahreppi, vegna jarðarinnar Hausthúsa, Sigurði Helgasyni bónda, Hraunholtum, Kolbeinsstaðahreppi, vegna jarðarinnar Hraunholta, Einari Hallssyni, Ragnari Hallssyni og Sveinbirni Hallssyni bændum, Hallkelsstaðahlíð, Kolbeinsstaðahreppi, vegna jarðarinnar Hallkelsstaðahlíðar og Einari einnig vegna jarðarinnar Hafursstaða í Kolbeinsstaðahreppi, Guðmundi Halldórssyni bónda, Syðri-Rauðamel, Kolbeinsstaðahreppi, vegna Oddastaða, Kolbeinsstaðahreppi, Guðmundi Albertssyni, Heggstöðum, Kolbeinsstaðahreppi, vegna Heggstaða og Magnúsi Guðjónssyni, Hrúts Holti, Eyjahreppi, formanni Veiðifélags Núpár í Eyjahreppi, vegna félagsins, 200.000 kr. í málskostnað innan 15 daga frá birtingu úrskurðar þessa að viðlagðri aðför.
